

PRELUDIO: (agpasango dagiti agakem ken masindian dagiti candela ti altar)

INTROIT: *“I Will Enter His Gate”*

*I will enter His gates with thanksgiving in my heart,
I will enter His courts with praise;
I will say, “this is the day that the Lord has made”
I will rejoice for He has made me glad.*

*He has made me glad, He has made me glad,
I will rejoice for He has made me glad...
He has made me glad, He has made me glad,
I will rejoice for He has made me glad.*

****AYAB TI PANAGDAYAW:**

Pangulo: O Dios, nagsayaat ti agyaman Kenka, agaramid kadagiti kankanta Kenka, mangiwaragawag iti ayatmo ti inaldaw kasta met ti kinapudnom a mangaywan kadakami.

Gimong: Dagiti kinasayaatmo, O Dios, pinaragsaknakami. Ngarud, dagiti aramid ti imam ipeksami babaen ti napala-us a rag-o. Ta pudno la unay a nabagas dagiti panggepmo, nabileg dagiti sasaom.

Pangulo: Iti daytoy ngarud a kanito kalikaguman mi nga ammoen ti ayat mo kas ipaaymi ti panagtalek Kenka. Ket, iturongnakami iti dana a lasatenmi kas itag-aymi dagiti karkararuami.

Amin: O Apo a Diosmi, isuronakami nga agaramid ti pagayatam. Ti Santo nga Espiritu koma ti mangidalan iti natalna ken natarnaw a panagdaydayawmi.

****INBOKASYON:**

****HIMNO TI PANAGDAYAW:** *“Purihin ang Panginoon” HFJ#14*

*Refrain: Purihin ang Panginoon, umawit ng kagalakan
At tugtugin ang gitara, at ang kaaya-ayang lira,
Hipan ninyo ang trompeta.*

*Sa ating pagkabagabag, sa Diyos ay tumawag;
Sa ating mangakaaway tayo ay kanyang iniligtas. (refrain)*

*Ang pasaning mabigat, sa ‘ting mangabalikat,
Pinagaan nang lubusan ng Diyos na tagapagligtas. (refrain)*

*Kaya’t Panginoon’y dinggin, ang landas n’ya’y tahakin;
Habambuhay ay purihin, kagandahang loob n’ya sa ‘tin.
(refrain)*

LITANIA TI PANAGBABAWI:

Pangulo: Ikararagtayo iti Dios, babaen ken JesuKristo, gapu iti naganna nagtataripnongtayo ita. Kasta met a babaen iti Santo Espiritu, amin a tattao agdadanggayda a kas maymaysa a familia.

Gimong: Idawdawattayo nga amin a nangitalek ti biagna iti Dios, maigamer koma iti nainkabsatan a panagkakadua babaen ti kaadda ti kinalinteg, kinawayawaya ken kinapakumbaba.

Babbai: O Dios, isalakannakami ti pannakawarawara gapu iti kinaagum, managimbubukodan ken kinapalanguad, sapayta ikkannakami ti naan-anay a pigsa ken tured a dumawat ti pammakawan Kenka tapno iyegmo ti Nadiosan a linteg; nadalus ken nadayaw a panagbiag.

Lallaki: Tulongannakami a mangbirok iti umno a rikna, panunot ken aramid tapno dagiti nagkuranganmi iti biag ken panagserbi ket mapalintegmi.

Amin: Apo a Dios, ikararagmi met dagiti padami a tattao nga agmaymaysakami koma a sumurot iti pagayatam. Dakkel ti namnamami iti panagballigi ti kinalinteg. Agturayka kadagiti biagmi.

(kanito a panagulimek ti bukodtayo a panagkararag a buyogan ti naalumanay a tokar)

PAMMATALGED TI PAMMAKAWAN TI DIOS:

Pastor: Naaddaantayo, kakabsat, ti naan-anay a wayawaya nga agturong iti nasagraduana lugar babaen ti

panagungar ni Apotayo JesuKristo. Inlukatna kadatayo ti baro a dalan, sibibiag a dalan babaen ti sakripisio nga inyegna. Isut’ gapuna nga no umasidegtayo iti Dios, madalusan dagiti basoltayo a kas ti maysa a kawes nga awan mulitna. Patientayo daytoy gaputa ti Dios tungpalenna ti saona.

PANNAKAYALLATIW TI KAPPIA: *(Iyallatiw tayo ti kappia ken talna babaen iti panangkanta ti “Oh, I Love You with the Love of the Lord”)*

KABLAAW, DAMDAMAG KEN PAKASEKNAN TI IGLESIA:

KARARAG DAGITI TATTAO:

DAGITI SASAO TI APO:

****Manipud iti Nasantuan a Surat**

Sungbat: *“Ti sasao a naragsak, Sao a mamabiag” (2x)*

Babaen iti Mensahe ti Kanta

Pannakailawlawag ti Sao

PANANGIPADUYAKYAK TI PAMMATI:

Amin: Mamatikami a dagiti annak isuda ti baro a pangrugian, isuda ti pagapuan namnama ken kari iti napintas a masakbayan. Tunggal ub-ubing ket nabukel a persona nga addaan ti bagi ken espiritu a saan nga agsina. Dagiti kinataoda sibibiag a makipagpartisipar iti pananggamulo ti kari a mayalubog ti pagalagadan ti Dios.

Dagiti ub-ubing ket isuda ti kadakkelan a sagut ti Apo kadatayo. Addada kadatayo a mangiladawan ti dalan nga agturong iti pagarian ti Apo, a saan a nagamulo ken nabukel iti nainlubongana a panagbiag. Gapu kadakuada, iyungalongtayo ti talna para ti nabaknang a pannakamulida ket kibinentayo ida tapno sangsangkamaysatayo a mangipasdek iti lubong a kayatda, ti lubong a kasapulanda, ti lubong a kukuada. Amen.

PANANGIDATON TI BIAG KEN PAGYAMAN:

Pangulo: Ket dagup ti isu amin nga aramidenyo, iti ao wenno aramid, aramidenyo babaen iti nagan ni Apo Jesus, nga agyamankayo iti Dios Ama gapu Kenkuana (Colosians 3:17). Ipaaytayo dagiti sagut ken pagyamantayo a napnoan ragsak ken rag-o.

(panagited cadagiti pagyaman ken sagsagut)

KANTA TI PANANGIDATON: Children's Choir
(Mabalin nga ipasettayo dagiti ub-ubbing ti panagkanta ti panangidaton)

****DOXOLOHIYA**

****KARARAG TI PANANGIDATON:**

****HIMNO A PANAGSERVI:** *"Inka ken Kristo, Dika Agtaktak"*
(Iti maudi a paraupo ti Himno, iyegtayo dagiti ub-ubbing ti sangoanan para ti pannakaidatonda)

*Inka ken Kristo, dika agtaktak, ta Isu adda dita arpad;
Awisennaka a siayat, kunana, "Umayka".*

*Coro: O, amangan a nagsamitda
Timekna a pangayab kenka;
Dika bumdeng mapankan ita,
Ur-urayennaka.*

*Awan sabali a maikkat iti lidaymo ken dandanag;
Suktannat' adu a ragsak, kunana, "Umayka". (coro)*

*Dika bumdeng, dika agbain; basbasolmot' inka itaklin,
Pakawan kenkat' inna itden, kunana, "Umayca". (coro)*

*No kunam "inton madamdama," ngem amangan no
maladawka;*

Kabsat, inkan ken Kristo ita, kunana, "Umayka". (coro)

****KARARAG TI PANAGSERVI:**

PAMENDISION:

Sungbat: "Three Fold Amen"

POSLUDIO:

"Enter to rejoice, depart to serve"

Church Bulletin

Christian Education Month!

"Children are not the church of the future. They are the church of the present. They are our companions in faith – God is as active in their lives as in ours. Together in worship we all seek God's presence and will for our lives."

- Edna Orteza

Note:

Mabalin nga ikabiltayo dagiti padamag, programa ken dadduma pay a pakaseknan ti Iglesia ditoy a paset ti liturgia. Kasta met nga agbalin laeng a pagtuladan wenno surotentayo daytoy a liturgia tapno mabalintayo a sukatan dagiti kankanta ken uray pay dagiti dadduma a pasetna segun ti kasapulan ti Iglesiatayo.

UNITED CHURCH OF CHRIST IN THE
PHILIPPINES
North Luzon Jurisdiction

September 10, 2017

3rd Sunday in Kingdomtide

Children's Sunday



*"Jesus called them to Him, saying,
'Let the children come to me.'"*

Luke 18:16

